

اسلامك نفعنه خادم مقالات
مم الت شكر قبول ونشر اولونور

يازانك شخصيتي دكل، يازينك اهميتي
نظر دقتت آليغير .

كلن يازيلردن شايان قبول كوردولنار
تاصح ميراسيله درج ايديلير .

كوننده ريجه جك آثار ، اوقوناقلي
ومختصر جه يازيلش اولماليدر .

ديني ، علمي ، ادبي ، اجتماعي

مخمس

۱۳۳۸

جمهوری اسلامی ایران

صاحب ، مدیری ، محرری :

اداره خانه سی :
باخريد جامع شريفك تربيه قايي سي
قارشيسنده

مركز تويي :
باب عالي جاده سنده (اتحاد
بجارت) كتبخانه سي

آبونه بدلي :
سنه لکي ۱۰۰ غروش
آلتی آلتی ۵۰

مالك اجنييه ايچين ۲۵ غروش ضم
اولونماليدر .

آبونه قيدي معامله سي هرسته نك بونجي
وايكنجي آلتی آلتی اعتبار آ اجرا اولونور

فی: غروش
۱۰

جادی الاولى
۱۳۴۲



جلد
۴

عدد
۴۳

تبری بویوردقلری قتل (بنی خزیمه) حادثه‌سی
ینه تأویل یوزندن ایدی .

حضرت عثمان رضی الله عنہک خون معصومی ،
عمار بن یاسرک ، سعید بن جبیرک قانی هب تأویل
قیلیجی ایله دوکرلدی . امام (احمد بن نصر خزاعی) یی
اؤلدورتی ، بکنیز وهلا کوی اسلام اوزرینه
یوزرتن هب تأویل ایدی .

سؤال (لکل آیه ظهرو بطن و لکل حرف حد
ولکل حد مطلع) حدیثی ، تأویلات باطنیه نک موجه
و مقبول اولدیغنی کوی سترمز می و آنلر بو حدیث
کندیلرینه ممسک اتخاذایده رک میدان بحث و مناظره یه
چقاماز می ؟

جواب : حدیثی تأویلات باطنیه یه زمین مساعد
اولمق اوزره کوی سترمکه چالیشمق ، حدیث مزبورک
معناستندن غفلت ، یاخود ایشنه کلنی الموق ، کله بنی
آتمق صورتیله برنوع حیل و تدلیس آتاریدر .
بناء علیه بویابده شرح حدیثه متعلق اقوال محققینی
اولجه درمیان ایدم ، تا که باطنیه نک کندیلرینه
ممسک اولمق اوزره صاریلدقلری حدیثک بالاخره
کندیلری ایچون طرف نبوتدن بر قوه زاجره یی
ناطق اولدیغنی آکلاشیلسین .

برنجی قول : مصنفک مرحوم تفسیرینک
مقدمه سنده دیرکه : حدیثده کی (ظهر) دن مراد
قرآنک تلاوقی (بطن) دن ده مراد : فهم معنی
وتدبر مغزاسیدر .

ایکنجی قول : قرآنک (ظهر) یی امم ماضیه نک
احوالی حاکی اولان و آنلرک کیفیت قهر و تنکیللری
اخبار ایدن الفساط شریفه در . (بطن) ی ایسه
استقبالده کله جکر ایچون امم سالفه نک بر منظره
عبرت تشکیل ایده رک کندیلری ده آنلرک تعقیب
ایتدکلری وادی طغیانده پویان اولدقلری تقدیرده .

سلفلرینک چارپیلده لری فلا من سلامت همه حال

دائرة اسلامیه دن چیقاراجغنی خبر ویردیکی
یوقاریده سویله نیلمشدی . او حالده فاعتبروا یا اولی
الابصار .

طاهر المولوی

تفسیر لر مفسر لر

تأویل نصوص [دن مابعد]

راقم الحروف ، کرچه حقیقه حائز شرائط اولان
تأویل صوابه برشی دییه مزسه مده تأویلات زایغه
یوزندن ترتب ایدن ضررلری کوی سترمک لازم
کلنجه بنده علاوه مقال اوله رق دیرم که :

تأویل ، یالکیز جدار اسلامه رخنه آچادی ،
بلکه دانه تخریبی بوتون ادیان حواله دن کری
قالمادی . اوت ، انجیل و تورانده اوصاف جمیله
نبویه دائر نازل اولان آیتلر ، یهود و نصاری
علماسی طرفدن تحریف و تبدیل و تأویل و کتمان
اوغراتیلیوردی . تحریف : تأویل صورتیله معناده ،
تبدیل : برلفظک ده کیشدیرلمه سی صورتیله الفاظده
بولونویوردی . بونلرده اولمازسه حقایق کیزله مک
صورتیله کتمان طریق اختیار اولونویوردی .

ایشته ادیان سائره اربابی انوار دیانت محمدیه دن
محروم براقان بوکی احوال اولدیغنده شبهه یوقدر .
حلول و تثلیث اعتقادی نصرانیه تأویل یوزندن
مال ایدلمشدر . هانکی دینده اولورسه اولسون
زناده ، مطلقاً تأویل قاپسندن زورلامش کیرمشدر
تفرقه ادیان و مذاهدیه تأویلك اوینادیغنی رولی
هیچ بر حادثه مرتبه چویره مه مشدر .

جمل ، صفین ، حره فاجعه لرنده ، ابن زبیرک
فتنه معروفه سنده خون اسلامی آقیدان عواملک
الکویسی تأویل ایدی .

مسموع بیغمبری اولدقده ذات اقدس رسالتک

آنرکده چارپایا جقلرینی اعلان ایدرک معاصیدن
تحدیرایله مهسیندر .

اوچنجی قول : (ظهر) ی لفظی (بطن) ی
تأویلدر .

دردنچی قول : ظهري علمای ظاهریه به لایح
اولان معانی ، بطنی ایسه عبارات قرآنیهدن سالکین
طریقت بیضا و متمسکین شریعت غریبه انکشاف
ایدن اشارات واسرار قدسیه و قلوب عارفینه سحاب
فیضا فیض صمدانیدن یاغان معارف و لطائف
سبحانیهدن عبارتدر .

حدیثده کی دیگر ایکی فقره به کلنجه آنلردهده
بروجه آتی اقاویل موجوددر .

برنجی قول : هر حرف قرآنی ایچون برحد
واردرد دیمک ، آنرکهر برینک منتهای مرادالهی
اولمق اوزره برحدی واردرکه آندن اوتیه کیله من
و آندن بشقه سی مرادالهی اولمق اوزره کوستریله من
دیمکدر . هر حدایچون بر مطلع واردردیمک ، قرآندن
استنباط اولنان هر بر غامض معنی و احکام ایچون
بهجه حال بر محل اطلاع و انکشاف واردرکه اوسایهده
معانی و احکام مزبوریه قولایجه وصول میسر اولور
دیمکدر .

ایکنجی قول : (ظهر) تلاوت (بطن) فهم معنی
(حد) حلال و حرامی حکم اولمق اوزره کوسترمک
(مطلع) آخرتده وعد و عیدی اشراف و انسانلری
اورایه ایصال و ابلاغدرکه ابن عباسک بروجه آتی
نطق عالیری بوایکنجی قولی تأییده مداردر .


« ان القرآن ذوشجون وفنون و ظهور و بطون
لانتفضی عجائبه ولا تبلغ غایته فن اوغل فیہ برفق نجاومن
اوغل فیہ بنف هوی . اخبار و امثال ، حلال و حرام ،
ناسخ و منسوخ ، محکم و متشابه ، ظهور و بطن فظهره التلاوة
و بطنه التأویل فجالسوا به العلماء و جالسوا به السفهاء »

مألی : قرآنک متعدد دالی ، بوداهی ، ایچی ،
طیشی واردرد . عجایی توکنمز ، غایه سنه ایریلز کیم که
آنک حرم اذعانیه یسرو سهولت و رفق و سکینت

ایله یا شایر سه راه نجاتی بولور ، کیم که عطف و شدت
و کبر و عونتله کبرمک ایسترسه غیای اضمحلاله
یو وارلانیز . قرآنده اخبار و امثال ، حرام و حلال ،
محکم ، متشابه ، ناسخ و منسوخ اولدینی کی ظهري و
بطنی واردرد . ظهري تلاوت ، بطنی تأویلدر . شو
حاله آنک حقنده آنجیق مجالس علماده کوروشکنز .
بزم سفهاده ذکرندن قاچینکنز .

ایشته شو اقاویلک کافه سی نظر امعانه آلدقده
آکلارز که (ان القرآن ظهراً و بطناً) حدیثده
باطنیهدن عقل و نقله اویمایان تأویلات باطنیه لرینک
موجه و مقبول اوله جفنه دائر اوافق بر زمین
مساعد بیله یوقدر . اشو حدیثدن هر لفظک
بر معنای و آنکده بر حد معروفی ، آنکده
بر مابه الاطلاعی اولان عرفانی موجود اولدینی ،
یوقسه او یله هر کس سوق هوی و اغرای شهوات
ایله عقلنه کلن تأویلی یا پامیه جفنی آکلامق ایچین
چوق دوشونمکه لزوم یوقدر ظنندهیم .

برغمه لی جبروت



« عقل ایله نقلی تلفیق قانونی »

بوندن اولکی مقالهده عقل ایله نقلک تصادمه
دائر مسالکدن برنجی ایله ایکنجی مسلکدر بیان
ایدلش ایدی . بو مقالهدهده اوچنجی و دردنچی
مسلکدر بیان اولدقدنصکره عقل ایله نقلی تلفیق
قانونندن بحث ایده جکر .

اوچنجی مسلک اربابی معقول ایله منقولدن
هر برینی اصل مهم اتخاذا ایدوب تصادم ایتدکلری
یرلرده آره لرینی جمع و تلفیق ایدیورلر . شرع ایله
عقل حجج الهیهدن اولدینی ایچون مقتضای شرعی
قبول ایتدکلری کی عقل سلیمک مقتضاسی ده قبول
ایدیورلر . و (عقلی تکذیب ، شرعک تکذیبی